

解脫道論卷第二第三同卷

階四

羅漢優波底沙造  
梁扶南三藏僧伽婆羅譯

頭陀品第三

問爾時淨戒坐禪人心欲成就勝善功德又爲欲得頭陀功德當如是成就何故受此頭陀功德答爲坐禪人性不一種爲於少欲爲於知足爲於無疑爲於滅愛爲欲增長勇猛精進爲自少營不受外施爲於安住爲斷所著守護戒善是諸定衆具是初聖種是勝功

德觀何者爲頭陀有十三法二法衣相應謂糞掃衣及三衣五法乞食相應謂乞食次第乞食一坐食善量食時後不食五法坐卧相應一無事處坐二樹下坐三露地坐四塲間坐五遇得處坐一勇猛相應有一種謂常坐不卧云何糞掃衣答性能受持是謂爲性餘亦如是云何受糞掃衣斷居士施云何受三衣謂斷長衣云何乞食謂斷他請云何次第乞食謂斷超越乞云何一坐食謂不再坐云何節量食斷於貪恣云何時後不食謂斷於

後望云何無事處坐斷聚落住云何樹下坐  
斷屋舍住云何露地坐斷衆覆處云何塚間  
坐斷餘勝處云何遇得處坐斷貪樂處云何  
常坐不卧謂離寢寐何故受糞掃衣見居士  
衣有求乞等過復見受持衲衣功德我見如  
是斷居士施故受衲衣云何受衲衣功德以  
似居士衣受持無闕得不由他失亦不憂心  
無貪染盜賊不取足周常用少所經營善人  
所習是行無疑勝善相應現法樂住令人欣  
慕使得正受是衲衣功德佛所稱歎問衲衣

有幾何人受持何因而失答衲衣有二種一  
無主守護二世人所棄或於塚間或於糞掃  
或於市肆或於道路拾煎浣染掩緝裁縫成  
就受持此謂無主或翦蓋之餘牛鼠所噉或  
火所燒或人所擲施覆屍衣及外道服此謂  
世人所棄云何受糞掃衣若比丘斷居士施  
是謂受糞掃衣云何失若比丘受居士施此  
階四謂失衲衣云何受三衣爲有長衣應須淨施  
守護受著知是等過見三衣功德我從今日  
棄捨長衣故受三衣云何受三衣功德善人

所行離畜遊長少於營造約身知足如鳥飛  
空無所顧戀善人所習是法無疑問云何名  
三衣云何爲受云何爲失答謂僧伽梨多  
羅僧安陀會此謂三衣云何受三衣若比丘  
不畜盈長是受三衣若受四衣是名爲失云  
何受乞食若受他請則妨自業不爲悅人不  
與非法比丘接膝共坐知是過患復見乞食  
功德我從今日斷受他請受乞食法云何乞  
食功德依心所願進止自由不希供饍消除  
懈怠斷滅憣慢不貪滋味饒益衆生常於四

方心無限礙善人所行是業無疑問請有幾  
種云何爲受云何爲失答請有三種一似食  
請二就請三遇請除此三種請受乞食若受  
三請是失乞食云何受次第乞食若於次第  
處得多美味則不重往若其重往則受常食  
若有疑處亦應遠離知是過患復見次第功  
德我從今日捨非次乞受次第乞云何次第  
附四  
乞功德以平等心饒益一切除增嫉惡斷遊  
狎過不喜喚召不樂多語遠人宅舍離於疾  
行如月希現人所瞻仰善人所行是未無疑

問云何名次第乞云何爲受云何爲失答若比丘始行乞食入於聚落從最後家以爲初次此謂次第行乞云何爲失謂越超隣比是名爲失云何受一坐食謂於一坐處數坐數受食數洗鉢與此相違名一坐食善人所行是業無疑知如是過見一坐食功德是故應受我從今日捨二坐食受一坐食云何一坐食功德不多不少不貪不淨施無諸病惱起居無妨自事安樂善人所行是業無疑問云何受一坐食云何爲失答邊有三

生貪樂爲腹無厭知是過已見節量功德我從今日斷不貪恣受節量食云何節食功德籌量所食不恣於腹多食憎羸知而不樂除貪減病斷諸懈怠善人所行是業無疑問云何受節量食云何爲失答若受飲食應自思

惟所須多少以爲常作不取長食善知籌量  
斷無期度謂節量食若不如是此則爲失云  
何受時後不食斷於望想離於長食知是過  
患見時後不食功德我從今日斷於長食受  
附四  
時後不食云何時後不食功德斷所貪樂節  
附四  
護其身離於宿食息所營求無告於他不隨  
心欲善人所行是業無疑問時後幾種云何  
爲受云何爲失答時後有二種謂不節邊受  
持邊云何不節邊若受長食得別請罪不當  
更食云何受持邊已食二十一搏不當更受

時後不食則斷於長若受長食失時後不食  
云何受無事處國中喧雜識觸五塵心生染  
樂若住閑處去來紛動知是過患復見無事  
處功德我從今日斷國中住受無事處云何  
無事處功德離於國中喧雜識觸五塵心生  
染樂若住閑處去來紛動見十種語功德最  
勝可愛天人歡喜不樂狎俗樂得寂寂樂少  
聲從心禪坐善人所行是業無疑問云何最  
後無事處云何爲受云何爲失答離於國城  
栖處郊外避於邊遠取中人四肘五百弓內

是最後無事處除國中住此謂無事處若住國中則失無事處云何受樹下坐捨於覆處不積畜修治貪愛求索知是爲過見樹下功德我從今日斷於覆處受樹下住云何樹下四功德依樂可受不交世俗樂離作務與天同止斷住處嫉及離愛著善人所行是業無疑問何樹可住何樹可離云何而受云何而失答於日中時樹影至處及無風時葉所墮處是所可住除危朽樹空腐樹鬼神樹離諸覆處是受樹下若往覆處則失樹下云何受露

地住不樂覆處及在樹下五畜物處知是過患見露住功德我從今日斷不樂處受覆地住云何露住功德莫住不樂處斷懈怠睡眠猶如野鹿隨意而行無所追慕善人所行是業無疑云何爲受云何爲失斷於覆處及在樹下是受露住若住覆處及在樹下則失露住云何受塚間住若於餘處少行放逸不起畏惡知是過患見塚間功德我從今日斷於餘處受塚間住云何受塚間功德得死時念得不淨相得非人敬重不起放逸伏於欲染

多所耽患不懼可畏觀身空寂斷計常想善人所行是業無疑問云何受塚間功德於何可住於何可行何受何失答若恒有人常多哭泣恒有煙火若初欲住如是塚間當先觀察有餘靜處便可往住若比丘止於塚間不

當作房及安牀座不從風坐不逆風住卧時不熟無食魚味不飲乳酪不食麻粹不觸着肉不住屋中不安鉢器若人已去捉持坐具及餘衣物徃到塚間當其住處如擲物透明相現時諸衣具還僧伽藍除餘處住是謂

塚間若徃餘處則名爲失云何受遇得處住不樂人所貪不惱他今避知是過患見遇得處功德我從今日斷貪住處受遇得處云何遇得處功德覓知足處貪於寂靜斷多受樂人所敬重住於慈悲一向歛攝善人所行是業無疑云何爲受云何爲失斷貪所止是謂依遇若徃樂處則名爲失云何受常坐不卧於所住處睡眠懈怠知是過患見常坐功德我從今日斷於惛卧受常坐不卧云何常坐功德斷生怠處除爲身嫉離染觸樂少於纏

階四

六

睡常多寂靜堪修禪勝善人所行是業無疑  
云何爲受云何爲失謂斷睡卧若寢名失云  
何離糞掃衣於居士施衣芻麻古具憍奢耶  
欽婆羅等以方便受不失衲衣云何三衣若  
畜長衣已過十日有月望衣有功德衣又有  
長衣爲護臥具敷具覆瘡衣手巾雨浴衣不  
受持不淨施若以方便不失三衣云何乞食  
方便若僧次食及常住食行籌食十五日食  
布薩食衆食等食以方便受不失乞食若見  
此過亦應捨離云何次第乞食方便見象馬

等當門而闔可羞鄙處諸如是等若見宜避  
又見栴陀羅覆鉢學家隨和尚閣梨客行比  
丘諸如是等方便而越不失次第云何一坐  
食方便若正食時見象馬牛蛇兩和尚閣梨  
客比丘來方便而起起已更食不失一坐若  
節量食及時後食無方便云何無事處方便  
或爲受戒懺罪問法布薩自恣自病看疾問  
附二經疑處如是等緣方便住聚落不失無事七  
云何樹下方便若遇雨八入覆處明相既  
現還而不失樹下露住塚間遲九等方便

亦復如是餘住處可住常坐不卧無方便復有一說若灌鼻時得作方便不失常坐以此十三頭陀更成八法如毗曇中說八頭陀是時後不食攝節量一坐其所受持成一種類是無事處攝樹下露坐塚間何故於無事處

若營造房舍樂爲作務多所聚畜愛著住處非心所樂作如是意於樹下塚間露地淨住是故成八於八頭陀復成三法一無事處二糞掃衣三行乞食若三清淨頭陀成滿故佛爲難陀說何時見汝成無事處受糞掃衣不

時後食趣養身命無見所欲問誰名頭陀分頭陀有幾種法云何三行人修頭陀行幾頭陀有時節有是頭陀說頭陀答有十三頭陀是佛所說佛所制戒此謂頭陀分此不應說善不善無記何以故不善人與惡欲同故不除惡欲共起非法貪樂利養是故不善頭陀幾種法者謂有二頭陀法不貪不癡如佛所說若糞掃衣比丘依少欲知足樂靜無疑依於解脫是謂受糞掃衣諸餘頭陀亦復如是不貪不癡以此不貪於比十三處能除貪欲

以此不癡於十三處能除無明復次以此不  
貪佛之所許能生眾患相似無疑除欲染欺  
誰以此不癡相似除身羸欺詐此二頭陀法  
是不貪不麁云何三行人修頭陀行謂貪癡  
行人是修頭陀行瞋恚行人不能修行何以  
故貪癡行人而能修行頭陀如貪人至愛成  
階四  
不放逸若不放逸則能伏貪如癡無癡依頭  
陀受成不放逸若不放逸則能伏癡何故貪  
癡人修行頭陀瞋人受苦更成其惡如疾病  
者若服熱湯轉增其疾是故瞋人不當修行

復說瞋人應住無事處及在樹下何故住無  
事處以無世間苦故幾頭陀有時節三頭陀  
八月時謂樹下住露地住塚間住是安居時  
佛聽覆處問云何是頭陀說頭陀答亦有頭  
陀說頭陀有頭陀不說頭陀有非頭陀說有  
頭陀有非頭陀不說頭陀云何有頭陀說頭  
陀謂阿羅漢成就頭陀云何有頭陀不說頭  
陀謂阿羅漢不成就頭陀受云何有非頭陀  
說頭陀謂學人及凡夫成就頭陀受云何非  
頭陀不說頭陀謂學人凡夫不成就頭陀受

問頭陀何相何味何起答少欲爲相知足爲味無疑爲起復次無所著爲相無過爲味不退爲起云何初中後謂受爲初修行爲中歡喜爲後分

分別定品第四

第十四

九

問爾時淨戒坐禪人已行頭陀受成就勝善處當何所作答令定起問何定何相何味何起何處何人受禪解脫定止受何差別幾定因可見以此起定障定有幾法定幾功德定幾衆具幾種定六何起定答定者有清淨心

一向精進與寂靜功德等正真住不亂此謂定復次煩惱猛風無領心慮如殿裏燈光炎不動如阿毗曇說若心正住無所攀緣亦不動亂寂靜無著正定根定力此謂爲定云何相何味何起何處心住是相伏怨是味寂靜是起於染不著心得解脫是名爲處何人受定謂受心數等方便定等如手執稱令心心數等如鉢中油念與精進等行爲定猶如四馬齊力牽車思惟等爲定如彼箭師注心調直以除怨故如藥消毒如阿毗曇說歛攝是定

義從是定義滿是定義禪者四禪謂初禪等解脫者謂八解脫內有色想外觀色等定者三定謂有覺有觀等正受者謂九次第正受云何爲禪思惟事故思惟怨故心喜樂故離障解脫故令平等故方便發定故得自在故不以二義住正受故樂起定故解脫正受者幾功德令定得起見四功德令定得起云何爲四現見法樂樂住以觀樂事神通現證有具足何者現見法樂樂住謂人得定能生無漏心起悅味受出世樂現見法樂樂住是故

世尊說彼此身從靜生喜使得清涼令漸圓滿具足成就等如佛告比丘我先作尼乾七日七夜身不動搖口不言說默然端住一向受樂是謂於聖法現見法樂樂住以觀樂事者謂坐禪人得心定事無有蓋纏調無堪受持觀見陰入界等自性安樂是故世尊教諸比丘應當修行如是一切以心依如實知神通現證者已得定人依證五通謂如意天耳他心宿命天眼是故世尊說已得心定隨宜轉變如是一切令得而忘有具足者已得定

人未到無學終今不退由定得報得色無色  
有具足如佛所說少修初禪得梵天眷屬如  
是種類一切生彼如是一切比四功德能生  
彼定一一當起障定有幾者謂八法欲欲瞋  
恚懈怠睡眠調戲疑惑無明無喜樂一切惡  
法是障法幾定因者謂有八法是因出離不  
瞋明相不亂一切善法令心歡喜能生法智  
是爲定因幾定資者謂有七種戒衆具知足  
覆蔽根門節量飲食初中後夜而不睡眠常  
念智慧住處靜寂定有幾種者定有二種一

世間定二出世間定聖果所得謂出世定餘  
名世定其世間定是有漏有結有縛是流是  
瓶是蓋是戒盜見盜是取是煩惱此謂世間  
定與此相違名出世定復次定有二種邪定  
正定云何邪定不善一心是謂邪定若善一  
心是謂正定邪定當斷正定應修復次如是  
附四  
一種外定安定彼定初分此謂外定性除  
無間此謂安定復次定有三種有覺有觀定  
無覺少觀定無覺無觀定云何有覺有觀謂  
初禪有覺有觀二禪無覺少觀餘禪無覺無

觀復次定有三種謂共喜生定共樂生定共捨生定初禪二禪謂共喜生三禪謂共樂生四禪謂共捨生復次定有三種善定報定事定云何善定聖道學人及凡夫修色無色定是謂善定聖果學人凡夫生色無色界是謂報定無學人受色無色定是謂事定復次定有四種欲定色定無色定無所受定謂彼彼行正受行是謂欲定四禪是謂色定四無色定及善業報此謂無色定四道果謂無所受定又定有四種修行謂苦修行鈍智苦修行

利智樂修行鈍智樂修行利智此四人一者密煩惱二者踈煩惱三者利根四者鈍根於密煩惱人鈍根苦修行鈍智得定密煩惱利根苦修行利智得定踈煩惱人鈍根樂修行鈍智得定踈煩惱利根樂修行利智得定於是密煩惱人已密煩惱故苦折伏煩惱是故苦修行鈍根人以鈍根故久積禪行覺鈍知是故名鈍知以此方便一切應分別復次定有四種謂小定小事小定無量事無量定小事無量定無量事云何小定小事定不隨心

所得定小精進此謂小定小事云何小定無量事定不隨心所得彼事大精進此謂小定無量事云何無量定小事定隨心所得彼事第十四小精進此謂無量定小事云何無量定無量事定已隨心所得彼定大精進此謂無量定無量事復次定有四種欲定精進定心定慧定欲定者依欲修得謂爲欲定依精進得謂精進定依心修得謂爲心定依慧修得謂爲慧定復次定有四種有定爲佛所得非聲聞所得有定聲聞所得非佛所得有定是佛所

行及聲聞所得有定非佛所得非聲聞所得大悲定雙變定是佛所得非聲聞所得學果定是聲聞所得非佛所得九次第定無學果足佛所得及聲聞得無想定非佛所得非聲聞得復次定有四種有定爲起不爲滅有定爲滅不爲起有定爲起爲滅有定不爲起亦不爲滅問云何爲起不爲滅答欲界善不善定此謂爲起不爲滅四聖道定是爲滅不爲起學及凡夫色無色善定爲起亦爲滅一切果定及事定非爲起非爲滅復次定有四種

十一

謂初禪離覺成就四支是謂二禪離喜成就  
二支是謂三禪離樂成就二分謂第四禪所  
謂捨一心問何故說四禪及五禪答由二人  
執故第二禪二種謂無覺無觀無覺少觀問  
是誰坐禪人令初禪自在起第二禪答於麤

喜滿樂滿心滿光滿觀想於是初禪二禪喜  
滿於是三禪樂滿於他心智是名心滿於天  
眼通是名光滿從彼彼定起觀智是名觀想  
復次定有五種謂五智正定此定現在樂亦  
未來樂報依身智起此定是聖所行無煩惱

覺觀攝念思惟復知覺觀過起無見觀  
第二禪是其修四禪次第復有一人已今初  
禪自在現起第二禪於麤覺攝念思惟唯知  
覺過患見無覺少觀起第二禪是其受五禪  
次第是故說於五禪復五種定謂五分正受

此定慧人修習此定寂寂快樂猗所得成就無二不伏生死此定寂寂最樂猗成一性所得非伏生死我此定念入念起依身智起復次已分別行處已分別修行事及下中上以如是定有多種可知一切諸定皆入四定

覓善知識品第五

問爾時何以故起定答若初坐禪人欲生禪定當覓勝善知識何以故初坐禪欲生禪定得最勝定若離善知識成不住分如經中說有雲比丘成於退分如人獨遊遠國無侶開

示隨意自行如象無鉤若坐禪人所修之行得善知識說法教戒令其攝受示除過患使得善法從教修行精勤苦行得最勝定如富商主衆所敬貴如親善人如親父母善知識者如象所繫令不動故如御車人使隨去住

附四

十  
四

故如人執杖爲得善道如醫治病爲消苦楚猶如天雨潤益諸種如母養兒如父教子如親無難如友饒益如師教誠一切善法依是成滿是故世尊教於難陀一切梵行所謂善知識是故當覓勝善之人爲善朋友云何是

勝善知識謂有所成就明了修多羅毗曇毗尼是謂所得成就明了業種得善神通得見四諦此二種人功德成就是所當覓若不得二種功德成就人以七分成就善知識是亦當覓云何七分可敬愛可重可貴能說忍辱說深語不安非處云何可敬愛休二種行者善說共住樂心解不難是謂可敬可愛可重者戒行寂靜守念成就不貪欲多語是謂可重可貴者聞慧功德成就知坐禪可重是爲可貴能說者我言可愛可重可貴有果如是

思惟饒益彼故尊童法故於非可作制伏攝受終不棄捨是謂能說忍辱者能令解無滯  
四 綺語總語相如賢聖故是謂忍辱深語者通達業處若分別想念作意安著皆由執相善說如法不如法煩惱取相能令減盡是說深語不安非處者若於姓族住處業聚誦著非住可避若於堪事處行令得安隱是住可住此謂不安非處以此七分就是善知識可覓問云何應覓答若知某甲住處是功德成就可重若有禪師應當往彼若自不知餘處

同學知應往親觀已知時節如法未說其意  
恭敬勞問起居諮詢所行何處國土何處住  
止有衆安住有僧靜坐有是禪師其行若爲  
以何功德一切所貴應作如是問同學應答  
某國某住某衆禪坐某人禪師衆所愛重得  
聞是已深思隨喜當往彼處親觀受行應整  
衣服到和尚所自說意樂和尚聽我我當往  
彼親觀禪師和尚應聽答善哉我亦隨喜是  
善人所作此謂善人共住善人所行是隨法  
修行若見聞者得大利益何況共住汝當往

汝汝已往彼慎莫放逸若是善人可勤修學  
若於一時及一切時等加信敬誠當善語守  
護身口曉解修行當得成就一切依師莫生  
輕易如初嫁小女往事舅姑應生慙愧聽受  
教誡若見弟子無衣服湯藥若往彼時如法  
料理說法教誡乃至將送行坐教以善法彼  
坐禪人齊整衣服恭敬圍遠禮師足下於行  
所半路園外諸有水地往彼一處衣鉢草屣  
澡灌禪具高置一處不使近水當浴不聲若

浴竟已齊整衣服著鬱多羅僧衣鉢禪具質

右肩上卷僧伽梨若置肩上若入寺舍低蓋  
繞塔若見比丘當往詣問此處有坐禪人不  
有糞掃衣人不有乞食人不有律師不有者  
於何處住從何可至有者當往若無此人有  
律師者我亦當往又無律師誰爲上座我亦

階四

十六

當往若上座大僧爲取衣鉢勿與若餘小者  
應與若無人取下置一處若見上座應當禮  
足於一面住舊住比丘以座以水及澡洗處  
如法供給近其消息安其衣鉢示其便處訪  
問僧制日將入時周行寺內若見律師共語

詣問所疑之罪及不犯罪若見阿毗曇師爲  
應修慧當問陰入界業若見頭陀人爲相應  
慧當問頭陀功德若住於彼日日應往處處  
詣問若欲行當併疊卧具禮大僧足白云何  
行去此是比丘爲客法用於彼坐禪人應往  
親近禪師若至雖小亦代取衣鉢禪師之法  
可行不可行不應即行令去是先所作應當  
修行若欲教人先取學坐禪人先已行法看  
視住處安置衣鉢少時消息知識時節觀  
禪師恭敬禮拜少時靜默當坐若禪師問所

欲當隨說所樂若不問者則不應說從此已後楊枝灑洗等當請依止修所行業若乞時至往往問閣黎如法當作食時若至爲閣黎洗

足及安坐處授鉢於其自鉢食應問閣黎所取多少安置自鉢減與弟子如是攝受如是第十四

不難爾時食已取閣黎鉢洗訖安處知時親觀恭敬禮拜少時靜默當坐若閣黎問隨說所樂若不問禮拜閣黎請聽我說本來所欲若蒙聽許隨我意問閣黎若聽一切當說若不問禮阿闍梨見時節當說我來因緣願聞

閣黎聽我所談若阿闍梨聽一切其所樂當說閣黎言善哉善哉如法教誠應當攝受是故世尊說偈

以時而親近 令心無嬌慢 楚行能護法  
譬如樹無風 念法而修行 及法戲自樂  
法住法分別 當說如實法 毀法不當行  
綺語憂戲笑 賢恚勿懈怠 恨恨貪慢癡  
愛染很戾等 修行悉伏除 守義不自高  
知善誠實語 為定實知聞 若人輒放逸  
聞慧不增長 若人知正法 天人所恭敬

恭敬成信心 多聞能護法 令得所樂聞  
如是諸功德 隨法能修行 能生勝妙解  
成就智慧人 若有如是師 當修不放逸

解脫道論卷第二

解脫道論卷第三

羅 漢 優 波 底 沙 造

梁 扶 南 三 藏 僧 伽 婆 羅 譯

分別行品第六

爾時依止阿闍梨以數日觀其行其行相應

行處應當教於是行者十四行欲行瞋恚行  
癡行信行意行覺行欲瞋恚行欲癡行瞋癡  
行等分行信意行信覺行意覺行等分行復  
次愛見慢等種種行可知於是貪欲意使行  
性樂著無異於是義由行故成十四人欲行  
人瞋行人癡行人信行人意行人覺行人欲  
隋四  
瞋行人欲癡行人瞋癡行人等分行人信意  
行人信覺行人意覺行人等分行人於是欲  
欲欲使欲性欲樂此謂欲行人其欲常行增  
上欲是謂欲行如是一切當分別爾時此十